

Մեղվահովիտ

Բնակչություն՝ 167

Տնային տնտեսությունների թիվը՝ 48:

Համայնքի կազմում են ընդգրկված են Մեղվահովիտ (նախկինում՝ Ղարաղալա) և Նորամուտ (նախկինում՝ Ղարախա) գյուղերը:

Մեղվահովիտ գյուղը գտնվում է Տաշիրի տարածաշրջանում, Տաշիր քաղաքից 11 կմ հարավ-արևմուտք, մարզկենտրոնից 63 կմ հեռավորության վրա:

Մեղվահովիտ գյուղը հիմնադրվել է 1896 թվականին, վերաբնակեցվել է 1989թ. Ադրբեջանից բռնագաղթված փախստականների, շրջակա գյուղերի և Ջավախքի վերաբնակիչների կողմից:

Գյուղում և շրջակայքում պահպանվել են ամրոց(միջնադար), գյուղատեղիներ, մատուռ, դամբարաններ(մ.թ.ա. 2-րդ-1-ին հազարամյակ), քարայր, կամուրջ, ջրաղացներ, գերեզմանոցներ:

Բարձրությունը ծովի մակարդակից 1670 մետր: Կլիման բարեխառն է, ձմեռը երկարատև ու ցրտաշունչ, ամառը՝ զով: Հաճախակի են քամիները, կարկտախառն անձրևները:

Գյուղատնտեսական նշանակության հողերը՝ 1227 հա, որից՝ 478,4 հա խոտհարք, 674,1 հա արոտ:

Հիմնականում զբաղվում են անասնապահությամբ:

Համայնքի ալպիական արոտավայրերից ստացված կաթը հրաշալի հումք է հոլանդական, շվեյցարական և «Լոռի» պանիրների համար:

Գյուղի հյուսիսում «Հովդարա» սարն է, որը հայտնի է իր խմելու ընտիր ջրի պաշարներով:

Համայնքն ունի մշակույթի տուն,բուժկետ:

Համայնքի հիմնախնդիրների մեջ կարևորվում են խմելու ջրի ջրագծի կառուցումը,

գազաֆիկացումը, գյուղատնտեսական մթերքների իրացումը, միջհամայնքային և գյուղամիջյան ճանապարհների վերանորոգումը